



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Vitæ S. Ferdinandi, Regis Castellæ Et Legionis, Ejus
Nominis Tertii**

Papebrochius, Daniel

Antverpiæ, 1684

IV. Victoria de Alvaro rebelli relata; ejusque ac fratris infelix exitus.

urn:nbn:de:hbz:466:1-42333

CAPVT IV.

*Victoria de Alvaro rebelli relatæ; ejusque ac fratribus
infelix exitus.*

Dum Rex & Regina nobilis essent Burgis,²⁵ Comes Alvarus, cum fratribus & complicibus, per Aggerem-Alliorum^a & Quintam-Fortunii transierunt; & in Belli-fo-ramine hostiliter irruentes, nec ætati nec sexui pepererunt, sed cuncta cæde & incendio consumserunt: quod cessit novo Regi & Reginæ nobili in amaritudinem & dolorem. Et hac vastatione perfecta, Comites ad propria redierunt: & Rex novus cum matre Regina nobili & suis Magnatibus à Burgis Palentiam cœpit ire. Et dum ad villam, quæ Palentiola^b dicitur, pervenissent; Comes Ferdinandus in ripella vallis^c Guiariæ aciebus dispositis subsistebat.^b Comes Alvarus cum suis militibus Ferrariolam se recepit. Et quarta feria^d quatuor-Temporum mensis Septembbris, cum Rex Ferdinandus & Regina nobilis ituri Palentiam juxta Ferrariolam pertransirent; col-lateralem aciem cum Alfonso Tellii & Suerio Tellii separavit, ne agmen exercitus transeuntis à Militibus Comitis læderetur.

²⁶ Et cum Comes Alvarus extra villam cum ali-quiibus Militibus resedisset, in villam ceteris intromis-sis, ut posset exercitum contemplari, rem insit cum paucis, in villam colligi designatus. Sed cum Al-phonfus Tellii & Suerius Tellii & Alvarus Roderici, & quidam alii eum eminus agnoverint, contra eum equorum impetu processerunt: & videns multitudi-nem præminere, jam exanimis, quamvis superbus, recolligere sese cœpit. Sed cum prædicti Milites adveniissent, Comes Alvarus de eqno descendit, & jacens in terra clypeo se obtexit. Sed illi manibus eum

trahentes, captum cum duobus Militibus concapti-
vis Regi & nobili Reginæ præsentarunt: & qui mul-
tos offenderat, qui nulli pepercerat, qui naturali
Dominæ ejus dominium abnegarat, divino judicio
nunc prostratus, suorum Militum & Fratrum intuen-
tum auxilio destitutus, capitur inglorius & confus.
Tunc Regina nobilis, gaudio & lacrymis Deum
laudans, diu gratiarum institit actioni, quod inimi-
cum suum & regni & filii sibi tradidit tam facili cap-
tione.

CAP. VIII
cumque se
redemisset
usurpatis
cedendo,

27 Videntes igitur cuncti qui ad erant, quod Deus
omnipotens Reginæ nobilis opera dirigebat, cum
gaudio & actionibus gratiarum, Palentiam intrave-
runt, & inde ad Vallem-oleti iveruunt: ubi fuit Co-
mes Alvarus in captione & vinculis custoditus. Cum-
que ibidem de compositione aliquamdiu tractaretur,
ea conditione fuit pactio acceptata, ut Comes Alva-
rus restitueret castra omnia quæ tenebat, scilicet
Cannetum & Alarconnem, Amajam & Tarecum-
Cæfareum & Villam-francam, Turrim Belli-foram-
nis, Anagarum & Pandicurgum: & his deditis sol-
veretur. Castrum Xeriz f & Orzejonem detinebat
Comes Ferdinandus frater ejus, & ad eorum captio-
nem tenebatur Comes Alvarus cum centum Militi-
bus Regem sequi, donec ea suæ potentiaz subjugaret.
Comes autem Alvarus Gundisalvo Roderici fuit
commissus, donec compleret superius prænotata.

28 Rex autem duxit exercitum versus Castrum:
& licet Comes Ferdinandus, fultus copia victualium
& multitudine armatorum inibi rebellaret, ea con-
ditione restituit Castrum & Orzejonem, ut ejus vasall-
lus fieret, & ab eo ut vasallus proprius castra teneret.
His peractis, Domino disponente, quievit perturbatio
novi Regis: & sex mensium spatio fuit seditio sic seda-
ta, quæ credebatur perpetuo duratura, quod Rex Fer-
dinandus suscepimus ab omnibus cœpit ubique juridi-
ctionem Regiam exercere.

29 Post

29 Post hæc autem Comites, videntes in regno CAP. IX
potentiaꝝ sua gloriā minoratam, imo potius an- ac Legionem
nullatam, in Valle-Juniperi g territorii Palentini, fugisset,
cœperunt iterum rebellare, & prædas in Campis h g
Gothicis exercere: sed Rex Ferdinandus, cum Regina
nobili matre sua & aliqua parte Magnatum, venit ad
Aggerem-fumorum i & Medinam de Rivo-sicco, &
sic Comitum insolentiaꝝ pro parte maxima cessaverunt. Sed videntes Comites in Valle-juniperi non
posse resistere, Regis Legionensis dominio se dede-
runt; & ut moveret guerram filio, suaserunt. Cum-
que utrumque exercitus convenissent, & quidam
Nobiles ex Castella versus partes Salmanticaꝝ intra-
vissent, videntes Regem Legionis sibi cum suo exer-
citu occurrentem, in aldea k Medinæ del Campo, k
quaꝝ Castellio dicitur, intraverunt. Cumque Rex bellumque
Legionensis eos inibi obsedisset, & Comes Alvarus resuscitat-
cepisset caligis ferreis calceari, percussus à Domino
cœpit gravissime infirmari: & firmata treuga inter
patrem & filium ab invicem discesserunt. Comes
autem Alvarus, morbi & treugæ dolore vexatus,
Taurum semianimis est delatus: ubi mortis anxietate
coactus, Militiaꝝ S. Jacobi sese dedit, & ibidem
vitam finivit, & Uclesii est sepultus.

30 Et post modicum temporis Comes Ferdinandus *uti & frater ejus*, cujus non ut voluit in regno Castel- ter ejus
læ desideria provenerunt, in Africam transfretavit, Marocca
& ab Amira / Momenino susceptis muneribus varia 1
jaelitavit. Et dum ibi longa mora, ut moris est m A- m
rabum, traheretur, eum contigit infirmari: & fecit
ad vicum prope Marochos, qui Elbora dicitur, se
transferri: vicus enim à Christianis dumtaxat inco-
lis colebatur. Et dum percepit ex incurabili morbo
interitum imminere; à Gondisalvo Fatre Hospitalis,
qui Innocentii Papæ III familiaris extiterat, suscepit
habitum Hospitalis; & universæ carnis viam ingres-
sus, cum aliis qui ibidem obierunt ad domum Ho-
spitalis.

n spitalis , qui Pons-Fiterii n dicitur , in diœcœsi Palentinensi , in sarcophago est delatus : & ibidem ab uxore sua Comitissa Majore , & filiis suis Ferdinando & Alvaro , & multis aliis est sepultus .

ANNOTATA.

a Agger-alliorum , & Quintana-Fortunii ; in vulgari , Oterdajo , Quintana , y Fortunio , ut videatur tria loca ponere .

b Palentiola , in eodem vulgari (per aliquem forsan errorem) Herrera : quod nomen mox iterum ponitur pro Ferrariola .

c Vulgariter Ribera de la val de Grajera .

d Annus 1217 litteram habuit Dominicalem G , proinde hac quartâ feria incidit in diem 19 Septembri .

e Eadem loca in vulgari sic nominantur , Cafiete , Alarcon , Tariego , Cicafeo , Villa francadi monte d'Oca , Torre di Bilbardo , y Najara : omittitur autem Pandicurgum .

f Ibidem Castro Xeriz y Monzon , quod ultimum valde discrepat .

g Vallis-juniperi , vulgo , Val de pero .

h Campos-Gothicos ignoravit interpres , ideoque simpliciter veritatem , terras , seu agros .

i Agger-fumorum & Medina de Rivo-sicco , vulgo , Tor de

humos y Medina di Ruyseco ; hunc locorum ultimus locus absit Palentia ad Occasum circiter 7 leuis , unde de situ aliorum locorum Camporumque Gothicorum facilis fit conjectura , eusa in confiniis Regni Leigionensis fuisse .

k Aldea Hispanis Villam seu Burgum denotat : est autem Medina del Campo media inter Vallatum & Salmanicam via .

l Amiras Saracenis & Maimi Dux seu Rex dicuntur : hic vero , contractis in unum duabus vocibus , pafsim vocatur ab historicis Miramolius : quod tamen non est proprium sed appellativum nomen , summi Saracenorum Principis , & Latine redditur Imperator fidelium . Vnde Gangium in Glossario .

m Interpres vulgaris inter multas delicias .

n Idem , Puente di Fitero en la ribera de Pisuerga : qui fluvius , nunc Legionensis & Castellani regi limes , supra Castrum Melgar extoriens , a Septentrione procurrit in Austrum , atque infra Septimana Duxio se immersit ,

CA.